

docstoc.com 书网
入驻商家 古籍书城 获取更多图书
在文川网搜索古籍书城 获取更多图书

中國方志叢書·華北地方·第二十六號


據 民國牛占城等修周之楨等纂 鉛本 影印

山東省

茌平縣志

(二)

成文出版社印行



10107762

中國方志叢書·華北地方·第二十六號

據

民國牛占城等修周之楨等纂
民國二十四年鉛本

影印

山東省

茌平縣志

(三)

成文出版社印行



10107763

中華民國五十七年三月壹一版

荏平縣志

全三册

定價：新台幣一二〇〇元正

發行人：黃成助

臺北郵政信箱二二六〇五號

出版者：成文出版社

臺北郵政信箱二二六〇五號
電話：九二二〇一〇號

印刷者：正大印製廠

三重市長生街二號之一



內政部登記證內版臺業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

列女

嫠婦恤緯志在宗周柏舟共矢志決望夫綱常倫理賴以不墜豐功偉烈愧煞鬚眉每當國家政變之際家庭慘變之間而弱質輕閨少受禮教之淘化徒知從一而終以報所天或哭夫望石或矢志事姑或慷慨殉難或輕生就義是皆出乎自然之天性有莫之致而致莫之爲而爲者豈可不傳哉是類所集約分四項一則本諸舊志一則取諸附編一則前志未及載者一則爲採訪所得者群經搜集以慰英靈而勵來茲俾觀風者庶有取焉

高氏邑民蕭奉妻也年十九有姿明正德六年城陷賊欲污之

不從以亂刀剖其面後二日復生病亡

邴氏驛吏李璽妻也莘縣邴眞之女明正德十三年璽以公役卒於濟南氏聞服哀號扶櫬歸窆誓不他適紡績爲業服闋之日祖翁姑義嫁氏佯諾遂沐浴更衣紙裹手指潛詣夫塚自經建坊勒珉有傳

竇氏邑民林鳳雛妻也雛卒竇氏方二十五歲貧苦艱辛誓不復嫁從一而終御史項公旌表其門

陳氏邑庠生楊俞妻也俞卒陳氏年二十歲甘守清操誓不他適御史項公旌表其門

齊氏吏守士美妻也歸宋二載士美卒齊年十九誓不他適事

舅姑以孝舅姑憐其少欲奪之號泣伏劍後家益貧所居廬舍鬻經三姓各多其義並許居之終身年八十六卒御史黃公旌表其門

黃氏邑民勳女也適馬大化天性端嚴居常人未見其笑嘉靖乙卯大化物故黃年二紀無所出矢以死殉絕口不食挾旬而歿吊者如市御史黃公旌表其門

馬氏邑載驅女也年十五適邑人閻有禮甫一載有禮病死馬遂絕飲食親屬慰諭不聽柩前自經左右覺持之信宿後縊於園樹御史羅公旌表其門

陳氏林務寔妻也方十七歲端謹寡言笑夫病翁姑俱老陳侍

夫疾上事二親勤動不懈夫亡慟幾絕翁姑欲奪之氏泣曰
吾即子也反面事人忍爲之乎竭力奉養有死無二翁姑不
能屈直指使表其閭

張氏曹自悟妻也自悟爲輝縣訓導卒於官氏年二十二扶櫬
歸服裝入臥室自經

劉氏陳所知母也年二十夫亡子甫一歲矢死靡他勤紡績以
養姑及子就外傅每晚歸必使背誦日功一字訛輒責數下
苦節五十餘年直指蕭公上其事建石坊

楊氏庠生崔唯妻也年十九孀居無子女苦志守節事翁姑盡
孝衣食皆以時奉旨建石坊有傳

楊氏張尙朴妻也娶不踰歲而朴告殞病中囑氏曰余不幸不獲久侍膝下且子女俱無承侍甘旨者惟汝是賴如不負所託雖死瞑目氏拜泣唯唯朴易簀之日氏年十九歲雖甚哀毀然不喻禮蓋從治命也事翁姑無異於朴溫清定省終始如一日奉旨建坊邑侯知事兩旌其門一曰貞節一曰貞烈郭氏庠生陳廣澤之祖母也夫卒子幼厲志守貞撫養孤子子甫成人授室生孫廣澤而子又卒復率子婦丁氏同守節三十餘年待廣澤補邑庠而卒奉旨旌表之

丁氏陳廣澤母也夫蚤卒上事姑嫜奉命惟謹下撫孤幼恩威並著澤稍長延師教之享年七十餘歲與其姑並受旌表

徐氏書吏李應炳妻也氏屬李繼室李病殂氏年未逾二十視夫歛畢以筐箱衣服分爲三一以予姑一以予母一以予前氏之女是夕自縊

李氏鄉民焦樸妻也順治三年土寇蜂起氏與閤家偕遁道遇賊樸幾斃刃下氏以身左右護之遂遇害樸以是得脫免焉楊氏生員張明賓妻貞順雅有婦道順治五年上寇至劫以刃氏誓不受辱曰我儒家子肯從賊耶激賊怒殺之其犬亦吠賊而斃

田氏張可孫之妻邑增生象麟之母也癸未兵變毀容拒寇死而復甦可孫歿氏年二十子五月每以身殉三次投纆繩斷

婢救得以不死蓋天意不絕其後也卒能教子成立五十餘年不易其操臬臺聞而獎之

張氏趙振家之妻監生自新之母也年二十而振家卒氏毀容以全節借壽以保姑且教子成名以繼夫嗣真孝節兼至曲盡婦道者臬臺褒揚固所宜也

張氏李元春之妻年二十三歲夫亡矢志靡他飲冰茹蘗艱辛備至善事舅姑以終養撫育三子成立貞節孝慈洵足嘉美宜官司之旌表其門云

孫氏呂奇才之妻年十九夫亡上有孀姑躬紡績以贍養下有幼子和熊丸以訓誨子甫拾芹而蚤逝孫又孤苦而待育壽

逾七旬節守彌堅似此不世之苦孀允宜官司之旌表

王氏邑廩生張溯泗之繼配于歸未久溯泗病故氏年二十三歲絕食數日投繯剪髮甘以身殉兩次俱遇解救矢志靡他艱辛備嘗撫幼孤以成名遠承宗祧全孀節于終身克慰夫靈直指題請奉旨建坊

李氏武生祁鑑之妻年二十一歲夫卒上事垂白之公姑下育襁褓之稚子子未及世而早逝孫方成立而又亡所遺六歲曾孫氏率子婦焦氏孫婦氏共守三世之孤孀同矢不二之冰操亦曠世所罕聞雖官司旌揚似不足表其苦節也仍宜提請獎勵

顧氏王計周之妻于歸未及二載夫君不幸蚤亡氏年一十七歲矢志靡他幸天不絕其後三月而舉一子家貧如洗艱苦備歷卒能奉盲目之孀姑善歸九泉撫遺腹之孤兒得以成立節婦寔爲孝子女流不愧丈夫官司旌表誰曰不宜

遠氏蔡永寧之妻年方十九不幸夫亡孀姑在堂遺孕在身氏焚祝矢志甘守冰操兩月而舉一子奉姑撫孤五十餘年如一日貞也而孝寓矣允宜旌表

楊氏邑民楊成之女李芳華之妻年十五于歸未久華芳以城陷死難氏矢志堅守子甫成立而早逝復守其孫以承夫嗣年六十八歲而終邑侯聞而賢之給匾旌獎

李氏崔天保之妻也生子未及週歲夫以病故氏年方十九家貧如洗矢志堅貞善事公姑以全子道撫育孤兒以繼前人年近七旬若將終身

王氏邑人王純文之妻夫亡氏年二十七歲子女皆無矢志不躬紡績以資生而孝不衰於媻姑甘茹素以終身而義旁及於族黨處如婢以和待娣姒以敬撫猶子如己出咸得成名與兩叔以同爨毫無私蓄節歷五十餘年以壽終迄今鄉里猶稱其賢於不衰云

趙氏武庠生楊曙繼室年二十五歲曙歿誓不他適事翁姑如禮撫二子嚴而有方御僕婢寬而有體無故不出戶庭四十

年如一日壽六十一歲卒

劉氏生員王宜振妻也歸王半載振卒氏年十七子女俱無立志守節四十餘事翁姑盡孝年六十一奉旨建石坊旌表之
李氏高贊之妻年十四歲而夫亡遺子甫五月氏撫子成立訓孫成名奉事翁姑後負土以葬人皆稱其節孝舉於官給匾旌獎

楊氏邑庠生楊四知之女王樞之妻年十九而夫所天子甫在襁褓上有祖父母及翁姑在堂氏奉養盡禮叔姊孀季咸和以處之教子成名而逝撫其孫而婚娶焉年近七十初終不二

遂氏王曰久之繼室也年十七歸王數月而夫病不逾歲而夫
亡堅志苦守撫前子一如己出男婚女配不辭艱辛且教子
成立終無二心人皆以貞節稱之

崔氏徐爾忭妻年十九夫亡無子女遺產盡與其弟留數畝以
供孀姑姑歿鬻田以葬其守苦節八十餘歲而卒邑侯給匾
旌之

王氏西景奎妻明萬曆丁未年巡按嚴題其坊曰貞節

馬氏劉汝翼妻生員敬衡之母年十九而夫亡上事公姑下撫
幼子卒能教子成名以代夫職亦女流不多覲者

季氏石維宣妻年十八而宣亡事姑育子數十年如一日

王氏邑庠吳起謂之妻謂卒年十九敬老撫孤初終不渝

金氏庠生左振興妻也年十八結褵未兩載生子六月而左生歿泣痛搶地欲死母族諭之乃止日夜哀號紡織自給奉翁姑至孝喪祭皆如禮教子祥讀書明理義既長入太學有聲氏年六十中丞蔣題字旌表建坊入祠有傳

孫氏趙毓妻業官屯人弟賢臬司承事以奉差遠適其婦李氏病歿遺兒始週歲孫氏育如己子時正德辛未流賊突入其家索食孫氏方抱姪立不忍置賊叱曰不置吾且刃之孫曰兒新喪母父不知所往此一綫之脉也將軍安往而不食耶言訖涕淚如雨賊衆曰此賢人也奈何迫之相率而去

docsriver 文川网
入驻商家 古籍书城

在文川网搜索古籍书城 获取更多电子书

以上各列女計三十八人係照錄十五年舊志

孫氏楊元瑞之妻年十六歸楊數年夫故事姑以孝教子有方家道亦漸充裕收養其姪爲之授室置產及姑姑歿葬祭皆以禮壽八十二歲乾隆十年奉旨建坊以旌之

紀氏張澄然之妻年十六歸張三年生子達又四子夫故氏上孝事翁姑下經理家務撫孤成立出積貲施粥捨衣三年乾隆年間奉旨建坊立石

陳氏李超凡之繼室東關貢士東昇女孫也性慈善好施與中年驟失所天撫育遺子已成立矣而天又擇嗣孫教養甚備相傳氏種黍一區將穫而夜以風氏悔不早刈黎明遣傭趨

視則盡棲於畝矣詢之始知近村人爲李善人家效力其爲人感激也如此卒年六十八歲道光元年旌

楊氏崔又善之妻十九歲于歸又善多病侍湯藥節寒暖惟謹二十一歲又善病逝氏謹事翁姑翁崔僖爲擇葬從賢者命氏子之撫之成立道光癸巳貢生袁瞻岱廩生張自明附生李存讓等爲之立節孝碑

楊氏李來慶之母也年二十九歲夫歿三月而來慶始生氏撫養遺孤孝事翁姑里無間言同治元年邑侯胡公請旌賜額曰孝慈貞淑

王氏吳大江之妻年二十四夫歿家貧親老備嘗辛苦守志三

十餘年同治元年邑侯胡公請旌賜額曰節凜冰霜

謝氏高心齋之妻年二十四夫沒遺二子長海齡甫五歲次遐齡僅五月上無翁姑下鮮兄弟家貧如洗族黨憐之守節六十餘年壽八十九歲同治十三年旌

郭氏崔永康之妻同治七年避捻亂攜一幼女同行賊見欲劫之氏罵曰賊奴汝敢辱汝姑耶言未已而刃下氏遂死事平祀節孝祠

焦氏劉嶠雲之妻于歸三年夫亡子女俱無家赤貧鄉鄰以改逝諷之輒怒不食矢志靡他咸豐元年旌

田氏趙大全之妻十九歲于歸不數年夫故矢志靡他上事翁

姑下白稚子一切家務以身營之光緒十一年旌

竇氏張延統之繼妻于歸未久夫亡持家教子歷辛勤七十餘年迄老視聽不衰道光十四年卒壽百七歲蒙奏請以貞壽旌其門

趙氏商宜默之妻二十七歲夫歿養老撫幼苦守貞節好恤孤濟貧鄉里稱之嘉慶十九年旌表建坊題曰孝恭慈仁

康氏楊均諒之妻十八歲守節二十歲夫歿以侄恩榮爲嗣恩榮繼娶崔氏未幾歿婦年亦二十姑婦相依晝夜無間氏寢疾數年婦侍湯藥無倦色氏守節五十餘年光緒七年旌今年四十餘歲尙待旌

魏氏張慶汝之繼室年二十于歸四載夫歿遺一子僅三歲家
窶且貧翁姑年邁氏以一身肩養老撫孤治家作苦之任三
十餘年毅如也今氏九旬有餘而強健如故以貞壽旌之誰
曰不宜

丁氏北關姜書洛之聘妻未婚夫歿氏聞之不言不笑者數日
父母窺其意微言試之乃泣告曰兒許姜郎已有日矣姜郎
雖歿舅姑俱在兒終身焉可也父母遂成其志遣歸姜抱木
主成禮事翁姑數十年循謹如孝子卒祀節孝祠

王氏孫廷璽之妻年十七于歸五載夫出外不返氏祇一女事
翁姑至孝翁姑歿竭力營葬家愈貧至九十餘就養母家閱

六載亡人皆服其苦節

王氏劉宜祥之妻年二十五夫歿無子女事親孝敬治家勤儉鄉鄰無不善之光緒元年邑侯張公請旌賜額曰節孝流芳閻氏張詳之妻守志三十餘年以族侄大剛爲嗣蒙旌表額曰

節孝流輝

張氏李景舉之妻文生張子蘭之姊也家赤貧偕夫攜女歸母家夫亡守節女適張晉興亦早寡無子僅薄田十餘畝撫族姪天德爲嗣氏今八十三歲矣依其弟姪以終餘年

左氏文生季荅芳之伯母也于歸四載夫亡無子以侄荅芳次子爲嗣守節五十七年光緒甲午蒙旌表懸匾於門

李氏李思溫之妻于歸周歲遭捻亂夫流離於外未歸氏孝事翁姑和睦妯娌待姪以慈治家以勤苦節自持凜如冰霜

李氏單金慶之妻年二十八夫亡遺一女氏柏舟自矢事翁姑維謹姑晚年目失明躬親奉待不離跬步姑寢疾焚香祝天誓以身代及女長訓以壺範光緒二十四年紳耆上其事於姚文宗詳請旌表並書諸石焉

朱氏李文英之妻于歸數月夫歿矢志靡他卒年八十六歲蒙旌表懸匾立石

梁氏董萬之妻年十七歸董逾年夫歿矢志守柏舟節後歸寧父母欲奪其志謀他適約異日來迎氏聞之乘夜遁道經沙灣

溺於水遇救得出黎明始達大家自是不復歸寧謹事孀姑
甘貧安命閱七年而亡

黃氏邑諸生趙有倫之子婦也倫中年卒子亦繼天氏年二十
六無子女與孀姑二妹相依爲命遭後姑罷廢之疾長臥床
褥時二妹已嫁氏一身侍養之姑病幾七載奉之如一日及
姑歿二妹猶時來省視輒眷戀不忍去其節孝友愛如此邑
侯熊公以節孝旌其門

王氏劉天衢之妻也同治二年三月二十八日夫禦賊而亡時
氏年二十九翁姑年邁遺子善積方十齡氏養老撫孤勤苦
備至壽六十二歲

姜氏紀人純之妻結縵三載夫病故無子翁姑俱八旬餘家道式微氏刻苦自勵守志四十餘年

項氏劉廷典之妻幼讀書兼通算術年十六于歸二年喪夫無子女夫弟尙幼而產又不豐氏自任家務使夫弟從師讀乃歷八九年未獲科名而氏已歿矣以節孝旌

鄒氏馮桂棹之妻年三十一夫病沒氏謹事翁姑和睦如婢孝慈貞順里無間言光緒十九年蒙縣詳請撫學兩憲題請旌

表焉

徐氏王克讓之妻于歸三月孀居守志以夫兄長子從周爲夫後教之耕讀勤儉治家蒙邑侯汪公詳請以節孝旌其門今

氏年六十七歲

張氏馬蘭香之妻幼喪母事繼母至孝二十一歲于歸孝事舅姑恪守婦道二十七歲夫歿無子女以夫弟之子爲夫後一切家務自經紀之而不以勞其舅姑舅姑咸愛悅之今氏年五十六歲

高氏趙思芳之妻年二十七歲甫舉一子而夫病歿氏仰事俯蓄各盡其職閱十餘年翁姑繼逝氏竭力營葬之人皆稱其賢光緒十三年旌

彭氏永順之妻年二十三歲禦賊殉難氏夫兄弟皆出外謀生翁姑年老家貧如洗氏勤紡績蔬水致敬姑嘗謂人曰吾所

以得至今日賴吾婦耳婦存吾存婦亡吾亡後翁壽八旬餘
姑壽九旬氏未幾繼姑以歿年五十五歲以家貧無嗣之者
鄉鄰皆歎憫之

王氏吉修祥之妻年二十八歲夫從團長擊捻戰死時翁姑衰
老遺子僅四齡氏上孝下慈矢志靡他守節三十餘年壽六
十三歲清宣統三年奉詔旌表敕建龍坊崇祀節孝祠

黨氏劉繼德之妻年二十夫歿無子女氏苦節自守事翁姑惟
謹今氏年五十三歲

常氏李本善之妻王氏李本茂之妻二婦爲妯娌行均自二十
餘歲而寡無何翁姑又繼逝惟有一弱弟年僅兩周耳二婦

更爲保抱撫育成立今常氏年六十一歲王氏年五十七歲
王氏竇慎思之妻與夫同庚年二十八歲而夫卒翁姑又繼逝
長子十餘歲夭歿存者惟九齡之弱弟與五齡之次子耳氏
並爲養育以遭家不造家日落遂携歸母家而遙治其田產
焉及弟長爲娶婦使歸家盡以田產與之氏僅有私田數畝
教子耕讀俾有常業後置產二百畝孫亦補入邑庠氏壽至
九旬光緒二十年旌

王氏王昭莪之妻年二十六歲孀居守志四十九年邑侯曹公
爲請旌

高氏杜景順之妻年十七于歸周歲夫歿守節至今五十餘年

docsriver 文川网
入驻商家 古籍书城

在文川网搜索古籍书城 获取更多电子书

待旌

劉氏李廷楨之妻年三十二歲夫歿遺一女僅八月以姪訓詩
爲嗣甫四齡氏上事翁姑下撫子女柏舟矢志艱苦備嘗者
五十三年光緒二十九年旌

楊氏年十九適崔近勇爲繼室越七年近勇歿生子毓江甫四
齡氏撫子盡愛而教之極嚴毓江賴以成立邑侯汪公爲請
旌鄉人士勒石以誌之

唐氏楊榮魁之妻于歸數歲而榮魁歿子存心方四歲卒能撫
育成立守節五十餘年七十有四而歿光緒二十一年旌

郭氏楊榮廷之妻歸楊氏甫一年榮廷禦捻陣亡氏聞耗急起

握刀欲出寨往殺賊翁姑力禁乃止守節四十餘年光緒二十一年旌

崔氏楊心安之妻十九歲于歸二十五歸心安禦捻陣亡無子氏茹苦含辛四十餘年不改光緒二十九年旌

杜氏陳望岱之妻十六歲于歸踰年生子永錫甫四歲望岱沒氏上奉翁姑下撫幼子以至成立永錫爲邑諸生光緒十九年氏六十一歲鄉紳爲請旌並題額清節流輝以獎之

楊氏陳望歧之妻張氏陳望治之妻與望岱之妻杜氏三婦爲妯娌行均婦居守志祇一嗣子可繼共矢堅貞久而彌芳宣統二年紳耆又以三婦之事並舉於邑侯盛公詳請旌表懸